

«TASDIQLAYMAN»
O'zDXA rektori
SH.M.Toxtasimov
“19” 09 2023 yil

O'zbekiston davlat xoreografiya akademiyasi
Xotin-qizlar masalalari bo'yicha Kengash to'g'risida
NIZOM

I. UMUMIY QOIDALAR

1. O'zbekiston davlat xoreografiya akademiyasidagi **Xotin-qizlar masalalari bo'yicha kengashning** (keyingi o'rnlarda - Kengash) asosiy vazifalari, funksiyalari, vakolatlarini mazkur Nizomga muvofiq tasdiqlangan ish reja asosida tashkil etish tartibini belgilaydi va shu bo'yicha ish olib boradi.

2. Kengash xotin-qizlarni ijtimoiy siyosiy qo'llab quvvatlovchi, ularning huquq va qonuniy manfaatlarini himoya qiluvchi shuningdek O'zbekiston Respublikasi Konstitutsiyasi va Qonunlarida o'z aksini topgan ijtimoiy siyosiy kafolatlarning amalga oshirilishiga ko'maklashuvchi jamoatchilik asosida doimiy faoliyat yurituvchi Kengash hisoblanadi.

3. Kengash tarkibi Oliy ta'lim, fan va innovatsiyalar vazirligi, hududiy boshqarmalari boshlig'i, institut rektorlarining yig'ilish qarorlari bilan tashkil etiladi hamda unga kiritiladigan o'zgartishlar yig' ilish raisi tomonidan tasdiqlanadi.

4. Kengashl qarorlari tavsiyaviy xususiyatga ega.

5. Kengash o'z faoliyatida O'zbekiston Respublikasining Konstitutsiyasi va qonunlariga, O'zbekiston Respublikasi Oliy Majlis palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, O'zbekiston Respublikasi Vazirlar Mahkamasining qarorlari va farmoyishlariga, O'zbekiston Respublikasi Oliy va o'rta maxsus ta'lim vazirligining meyoriy hujjatlariga, institut rektori buyrug'i va mazkur Nizom hujjatlariga amal qiladi.

6. Kengash qonuniylik, kollegiallik, oshkorlik, o'zaro hamkorlik va hurmat, teng huquqlilik, ixtiyorilik va jamoatchilik fikrini hisobga olish tamoyillari asosida faoliyat yuritadi.

II. KENGASHNING ASOSIY VAZIFALARI VA
FUNKSIYALARI

7. Xotin-qizlarni qo'llab-quvvatlashga doir davlat siyosatining samarali amalga oshirilishini ta'miniash, ularning huquqlari va qonuniy manfaatlarini himoya qilish hamda ularning mamlakat ijtimoiy-siyosiy hayotidagi roli va faolligini oshirish ishlarini hamkorlikda tashkil etadi;

- xotin-qizlarning mehnat jamoalarida, davlat va jamoat boshqaruvi sohasidagi rolini kuchaytirish, ularni ijtimoiy-huquqiy jihatdan qo'llab-quvvatlash borasidagi maqsadli ishlarni tashkil etishga ko'maklashish va ularning fikrlarini tizimli monitoring qilish;
- xotin-qizlarning muammolarini o'z vaqtida aniqlash, yordamga muhtoj va og'ir ijtimoiy ahvolga tushib qolgan xotin-qizlar, talaba-qizlar, shu jumladan, nogironligi bo'lgan xodimlar va talaba-qizlarning ro'yxatlarini tuzish, ularga ijtimoiy-huquqiy, psixologik va moddiy yordam ko'rsatish, reabilitatsiya vositalari bilan ta'minlash ishlariga ko'maklashadi;
- xotin-qizlar va erkaklar uchun teng huquq hamda imkoniyatlar kafolatlari to'g'risidagi qonun hujjatlarining ijrosi yuzasidan jamoatchilik nazoratini amalga oshiradi va tegishli takliflar ishlab chiqadi;
- xotin-qizlarni tazyiq va zo'ravonlikdan himoya qilish to'g'risidagi qonun hujjatlari ijrosini monitoring qiladi, zo'ravonlikdan jabrlanganlarni aniqlash, ularni reabilitatsiya qilish, huquqlarini himoya qilish bo'yicha ishlab chiqilgan tavsiyaviy takliflarni vazirlikka kiritadi;
- xotin-qizlarni tazyiq va zo'ravonlikdan himoya qilish sohasida hududiy dasturlarni ishlab chiqish hamda amalga oshirishda ishtiroy etadi;
- talaba-qizlarni oilaviy hayotga tayyorlash, yosh oilalarni ijtimoiy faollikka yo'naltirish, ular o'rtasida ijtimoiy foydali mehnat turi bilan shug'ullanadigan, ibrat namunasiga ega bo'lgan xotin-qizlarning hayot faoliyatları va turmush tarzlarini keng targ'ib qilish;
- xotin-qizlar o'rtasida turli ko'rik-tanlovlari va sport musobaqalarini o'tkazish, Zulfiya nomidagi Davlat mukofoti va "Mo'tabar ayol" ko'krak nishoni bilan taqdirlash uchun nomzodlarni tanlashda qonuniylik, ijtimoiy adolat, shaffoflik tamoyillariga rioya etilishi ustidan ta'sirchan jamoatchilik nazoratini amalga oshiradi;
- milliy va xalqaro qonunchilikda xotin-qizlar huquqlarini himoya qilishga doir hujjatlar, standartlar va talablarning joriy etilishini ta'minlaydi va bevosita ishtiroy etadi;
- institutda samarali mehnat qilayotgan ayol xodimlarni Davlat mukofotlariga tavsiya etish bo'yicha taklif kiritadi.

III. KENGASHNING MAJBURIYATLARI

8. Kengash o'z zimmasiga yuklangan vazifalarga muvofiq quyidagi majburiyatlarni bajaradi:
- o'z faoliyatini O'zbekiston Respublikasi qonunchiligi va mazkur Nizomga muvofiq amalga oshirish;
 - jamoatchilik nazorati to'g'risidagi Qonun hujjatlari talablariga rioya etish;
 - fuqarolarning or-nomusi va qadr-qimmatini tahqirlashga, ularning shaxsiy

hayotiga aralashishga yo‘l qo‘ymaslik;

9. Kengash Qonun hujjatlarida nazarda tutilgan boshqa majburiyatlarga ham ega bo‘lishi mumkin.

IV. KENGASHNING HUQUQLARI

10. Kengash quyidagi huquqlarga ega bo‘ladi:

- jamiyat va davlat hayotida faollik va tashabbuskorlik ko‘rsatgan, o‘zining samarali mehnati bilan oilaning totuvligi va farovonligi mustahkamlanishiga, onalik va bolalik muhofazasiga munosib hissa qo‘sghan, shuningdek, sog‘lom va barkamol avlodni voyaga yetkazish, ularni Vatanga sadoqat ruhida tarbiyalash, joylarda ma’naviy-axloqiy muhitni sog‘lomlashtirish va milliy qadriyatlarni keng targ‘ib etish borasida ibratli faoliyat olib borayotgan xotin-qizlarni “Mo‘tabar ayol” ko‘krak nishoni bilan taqdirlash yuzasidan Oliy va o‘rta maxsus ta’lim vazirligiga takliflar kiritish;

● -O‘zbekiston davlat xoreografiya akademiyasiga Kengash vakolatiga kiradigan masalalar yuzasidan takliflar kiritish;

-institutdagi xotin-qizlar, ayniqsa yordamga muhtoj va og‘ir ijtimoiy ahvolga tushib qolgan xotin-qizlar, shu jumladan, nogironligi bo‘lgan ayollar uchun nazarda tutilgan imtiyozlar haqidagi qonun hujjatlarining ijrosi ustidan jamoatchilik nazoratini amalga oshirish;

- zimmasiga yuklatilgan vazifalar ijrosi samaradorligini oshirish maqsadida institutda xotin-qizlar o‘rtasida turli ko‘rik-tanlovlari va sport musobaqalarini tashkil etish va o‘tkazish;

- institutdagi xotin-qizlar, ayniqsa yordamga muhtoj va og‘ir ijtimoiy ahvolga tushib qolgan xotin-qizlar, shu jumladan, nogironligi bo‘lgan ayollarning roziligi bilan ularning uy-joy va ijtimoiy-maishiy shart-sharoitlari bilan tanishish;

● - Kengash majlislarida muhokama qilinadigan masalalarni yoritish bo‘yicha ommaviy axborot vositalari bilan hamkorlik qilish;

- yuklatilgan vazifalarni bajarish uchun seminarlar, davra suhbatlari va boshqa tadbirlarni tashkil etish, zarur hollarda ularga davlat organlari va jamoat tashkilotlari mas’ul xodimlarini hamda mahalla faollarini taklif etish.

11. Kengash qonun hujjatlariga muvofiq boshqa huquqlarga ham ega bo‘lishi mumkin.

V. KENGASH FAOLIYATINI TASHKIL ETISH TARTIBI

12. Kengashni belgilangan tartibda kengash raisi boshqaradi.

13. Kengash raisi institut rektorning tavsiya qilgan 3 va 5 nafar nomzodlari orasidan, institutda faoliyat olib borayotgan xotin-qizlarning yashirin ovoz berish yo‘li bilan, uchdan ikki qismining bergen ovozi bilan saylanadi.

14. Kengash tarkibi har 3 yilda tasdiqlanadi.
15. Kengash raisi:
 - Kengash faoliyatiga umumiy rahbarlik qiladi;
 - Kengash majlislarini chaqiradi va kun tartibini belgilaydi, majlisga raislik qiladi;
 - Kengash ish rejalarini, majlis bayonnomalarini va boshqa hujjatlarini tasdiqlaydi, majlis Qarorlarining ijrosini nazorat qiladi.

Xotin-qizlar masalalari bo'yicha Dekan maslahatchilar (jamoatchilik asosida):

16. Dekan maslahatchilar institutda xotin-qizlar soni 7 nafardan oshgan har bir fakultetda tashkil etiladi.
17. Dekan maslahatchilar akademiya Xotin-qizlar masalalari boyicha rektor maslahatchisi tomonidan tayinlandi va lavozimidan ozod qilinadi.

Dekan maslahatchilar:

- talaba qizlarning huquqiy madaniyatini va savodxonligini oshirib borish ishlarda faol bo'ladi;
- mehribonlik uylarida tarbiyalangan qizlar bilan alohida manzilli ishlarni amalga oshiradi;
- ijodkor, ilmiy-tadqiqot bilan shug'illanishni istagan talaba-qizlar, pedagog-xodimlar bilan hamkorlikni kuchaytiradi;
- talaba qizlar orasida turli noxush holatlari (psixotrop moddalar, jinoyatchilik, o'z joniga qasd qilish, turli oqimlar ta'siriga tushib qolish, odam savdosining oldini olish, oilalarda ijtimoiy-ma'naviy muhit barqarorligini ta'minlash, oila muqaddasligi borasida mutasaddi tashkilotlar bilan hamkorlikda tushuntirish ishlarini muntazam tarzda olib borish, yukoridagi salbiy xarakteri aniqlangan xotin-kizlarning ro'yxatini ommadan yashirin xolatda shakllantirish, ushbu xolatdan institut rahbariyatini ogox qiladi;

- Xotin-qizlar maslahat kengashi raisiga bo'ysinadi, har oy yakuni bo'yicha amalga oshirgan ishlari yuzasidan hisobot taqdim etadi.

18. Kengash fuqarolarning o'zini o'zi boshqarish organlari va boshqa davlat organlari hamda jamoat tashkilotlari bilan hamkorlik qiladi;

19. Kengashga raisi bo'lmagan taqdirda, uning vakolatlari va majburiyatlarini rais o'rribosari bajaradi.

20. Kengash majlisi ish reja asosida har oyda bir marta chaqiriladi;

- Kengash raisining tashabbusi yoki maslahat kengashlari a'zolarining uchdan bir qismining yozma murojaati asosida uning navbatdan tashqari majlisini chaqirish nazarda tutiladi.

21. Kengash majlislariga boshqa davlat organlari, nodavlat notijorat tashkilotlar va fuqarolik jamiyatni institutlarining vakillari, mahalla faollari taklif etilishi mumkin.

22. Kengash majlisida qabul qilingan Qaror bayonnomasi bilan

rasmiylashtiriladi.

23. Kengash raisi institut ilmiy kengashi a'zosi sifatida yiliga bir marta hisobot beradi

VI. KENGASH RAISI MAQOMI

24. Kengash raisi “Rektorming Xotin-qizlar masalalari bo'yicha maslahatchisi” maqomiga ega.

25. Kengash raisi institutning birinchi rahbariga boysunadi.

26. Kengash raisi uchun alohida xona ajratish, kompyuter, telefon, internet tarmog'i va boshqa jihozlar bilan ta'minlash, o'quv yuklamasidan ma'lum soat qisqartirish hamda o'rnatilgan tartib asosida ish haqiga qo'shimcha ustama belgilash orqali moddiy rag'batlantirib borish choralarini ko'riladi.

VII. YAKUNLOVCHI QOIDALAR

27. Kengash faoliyatini moddiy-texnik jihatdan ta'minlash qonun hujjatlarida taqiqlanmagan manbalar hisobidan amalga oshiriladi.

28. Kengash faoliyati uning Nizomiga va O'zbekiston Respublikasining qonun hujjatlariga muvofiq holda amalga oshirilishi institut rahbariyati tomonidan nazorat qilinadi.

*Izox: Ushbu "NIZOM" O'zbekiston davlat xoreografiya akademiyasi
"Ilmiy kengashi" ning 2023 yil "___" ____ dagi yig'ilishida
(bayonnomma №____) tasdiqlandi.*